

NY VALOSOJA

Gazety miseho intelo isan-kerinandro
(Talata - Alakamisy - Jabotsy)

Fanakatonana orinasa maromaro 5
Tsy fahaizan'ny fitondrana mitan-
tana amin'izao andro sarotra izao

www.gvalosoa.com
gvalosoa@yahoo.com
facebook : gazety valosoa rakoto

Alakamisy 17 septambra 2020 Laharana 1068 Vidiny : 400 Ar

Fifidianana senatera tsy manara-dalàna 3

Nametraka fitoriana eny amin'ny HCC ireo Loholona



Tsy nahazo Tosika Fameno 2

Maty tapaka lalan-drà ilay vehivavy



FARITRA FAHA-23 3

Ifandroritana ny distrikan'Ikongo



Mpambongady voatafika 6

Jiolahy 2 azo sambo-beloma,
ny 2 hafa namoy ny ainy

Lozam-pifamoivoizana 6

Polisy mivady nitondra moto
nivarina tany an-kady

Tetik'asa Maheno 6

Ny 14% ny mponina no marenina
amin'ny faritra Analamanga

Daka kely
Mamilivily resaka any amin'ny Barea
any ndray lisany ry Boaikely a !

Valanaretina coronavirus 4

1 ny lavo omaly, 68 ny tranga
vaovao, 30 no sitrana

Centre de Commandement Opérationnel COVID-19
MERCREDI 16 SEPTEMBRE 2020

NOUVEAUX CAS	68		
	HIER	CUMUL	DIFF
GUERIS	14452	14482	+ 30
EN TRAITEMENT	1135	1172	+ 37
FORMES GRAVES	29	24	- 5
DECES	214	215	+ 1

Nb. TESTS
PCR
13 MARS / 15 SEPT 2020
65 514
GENEXPERT
MARS 03 SEPT 2020
6 969
CONFIRMES
13 MARS / 15 SEPT 2020
15 871

RINA RANDRIAMASINORO

Demokrasia miaro ny mpitondra no misy eto

Ny talata 15 Septambra teo dia natokan' ny Firenena Mikambana (ONU) ho andro iraisam-pirenena ho an'ny Demokrasia. Niompana tamin'izany indrindra ny voalazan'i Rina Randriamasinoro, sekretera jeneralin'ny antoko Tiako i Madagasikara (TIM). Ny olona tena mahay mitantana dia manana fahafahana mihaino ny rehetra hoy izy.

Amin'ny maha firenena repoblikanina sy demokratika antsika koa dia

tsy voatery hisy ny fitovian-kevitra, ka mila mahay mandanjalanja an' izany ny mpitantana firenena raha tena te-hampandroso. Demokrasia miaro ny mpitondra no misy eto Madagasikara amin'izao fotoana izao hoy Rina, ny dikany dia efa miha-miditra, na efa ao anatin'ny didy jadona mihitsy ny mpitondra eto Madagasikara amin'izao fotoana izao hoy ity mpanao politika tanora ity.



Stefa Rina Randriamasinoro, sekretera jeneralin'ny antoko TIM.

Andrianjato Vonison

Antsokosoko ny fampidirana fitaovam-piadiana tamin'ny fiandohan'izao fitondrana izao

Vahiny tao amin'ny fahitalavitra tsy miankina iray afak'omaly ny ministry ny serasera teo aloha, Andrianjato Vonison, niresaka ny mahakasika ny raharaham-pirenena. Ny lalàna faha 91-011 tamin'ny 18 jolay 1991 mikasika ny vanim-potoana manokana no ampiharina eto amintsika eto anatin'izao fahamehana ara-pahasalamana izao.



Ny ministra teo aloha, Andrianjato Vonison.

loha... Raha ny rariny dia efa maty niaraka tamin'ny Repoblika faha-II izany lalàna izany, kanefa dia izany no hiverenantsika iainana ankehitriny. Fanampin'izay, andininy maro ao anatin'io lalàna 91-011 no io mifanipaka tanteraka amin'ny lalàna velona misy ankehitriny

io, sady tsy mifanandrify amin'ireo rafitra misy ihany koa. Isaky ny avy maneho hevitra amin-javatra mafonja iray i Vonison Andrianjato dia miteny foana hoe: «Fa isika moa tsy misy miteny fa ôhatran'ny hoe izaho ihany no nitabataba irery eto». Tena mpandinika rahara-

ham-pirenena tokoa ity rangahy 'ty. Teboka maro tamin'ireo resaka nentiny no heverina fa tsy dia mba misy miresaka firy kanefa dia hita fa mitombona tokoa. Noresahany ny tamin'ny fampidirana fitaovam-piadiana mahery vaika tamin'ny fiandohan'izao fitondrana izao, ka naranty tetsy amin'ny Kianjaben'i Mahamasina mihitsy. Avy aiza ireny fitaovana ireny, iza no nampiditra azy teto?

Anisan'izay nampahatsiahiviny koa ny hoe: ny Filoha Ratsiraka anie no nanolotra ny Kandida Ravalomanana ho ben'ny tanàna ary ny Praiministra Tantely Andrianarivo no tale "miafina" an'ny fampielezan-keviny tamin'izany. Hanky va re hoy ireo tsy naharaka tantara izao, hoy ihany Andrianjato.

Nangonin'Isambilo

Tranga

Vehivavy tsy nahazo Tosika Fameno, maty tapaka lalan-drà

Nisehoana tranga mam-palahelo ny fizarana resaka Tosika Fameno teny amin'ny kaominina amin'ny distrikan'Antananarivo Atsimondrano iny. Tao Bemasoandro Itaosy, vehivavy iray no nahazo tapakila Tosika Fameno, fa tapaka lalan-drà tamin'ny lohany izy dia niditra hopitaly fa tsy nahatsiaro tena mihintsy tamin'ny fizarana Tosika Fameno tamin'ny herinandro. Noho

izany dia ny vadiny no nandeha naka izany tany niaraka tamin'ny bokim-pianankaviana sy taratasy fanamarinana avy amin'ny dokotera, fa any amin'ny hopitaly izy dia tsy nanaiky mihintsy ny mpi-zara, fa izy ihany no ilaina; dia mbola nandeha tany indray koa ny zanany mba haka an'io Tosika Fameno io, tsy niova hevitra mihintsy ireo mpizara, fa mbola nilaza ihany fa izy

ihany no afaka maka an'io Tosika Fameno io. Ka dia amin'alehelo lehibe no ilazana fa maty io vehivavy io, ka ho entina ve izany izy io vao hino ireo mpizara fa mahita. Ka dia manao antso ny fianakaviany, henoy tsara ny olona miresaka aminareo dia diniho tsara ny zavatra asehony anareo; izay ianareo vao miteny sy manapa - kevitra fa manjary mampalahelo ny olo-

na. Fa raha nomenareo azy ny anjara volany 100000 Ar Tosika Fameno dia mety mba nanova ka mety hihatsara ny fahasalamany. Henoy ihany ny fitarainan'ny olona fa tsy mpangalatra sy mpi-soloky avokoa ny olona manolana anareo; fa efa mitondra fanamarinana.

Niaina

Taratasin'ny mpamaky

Amin'ny maha-mpamaky gazety Ny Valosoa ahy dia misy fanehoan-kevitra ity ampitaina amin'ny gazety, sy amin'izay voakasik'izany rehetra :

STATISTIQUE : ny 55 % ny olona mpanao facebook eto Madagasikara dia TIM avokoa, izany hoe ol civilisés ary nianatra sy manana logik ar mahay manao analyse, ka nisafidy ny hanao TIM, satria ny TIM dia olon-kendry nohon'ny fanabeazana azony; ny 40% dia HVM satria antoko tsara ny Hvm, fa noho izy vao haingana dia mbol vitsy ny mpanao facebook, 3% IRD satria tsy dia mivaky loha amzany civilisation zany izy, fa ref mahazo vary

stock 2kg, na 1 gonysy tee-shirt nylon izy dia ampy azy mandritra ny 5 taona izay. D miasa, d misakafo, d matory ihany no tiany, vokany tonga saina ny vahoaka nianatra, ka ts hanan-tsafid afats ol tena mahay mitsinjo vahoak, fa ts ol tia rendrarendra fotsiny, ka na izahay vahoak nifidy RAJOEL aza d ts hifid az intsony am 2023, bye2 zandrikely ts nahavita azy, fa leo b zahay, fa na rajao na ra8 no solution-nay, (hoporofoitsika HVM sy TIM eto ny mahamaro an'isa antsika).

Andr Razafinjato
Mpamaky gazety Ny Valosoa Vaovao

Ny Valosoa sy fakafaka

Ireo voailika amin'izao fitondra Rajoelina izao

Miharihary eo anivon'ny fiaraha-monina ankehitriny ny fisian'ireo sokajin'olona voailika amin'izao fitondrana Rajoelina izao. Voailika tsy ho isan'ireo misitraka ny fanampiana avy amin'ny fitondram-panjakana ao anatin'izao hamehana ara-pahasalamana efa ho enim-bolana izao. Saika ny Malagasy rehetra no sahirana avokoa vokat'izany ary misy amin'izy ireo aza tena sahirana mafy ara-pivelomana sy tena marefo tokoa. Tsikaritra, fa tsy miraika amin'izy ireo ny fitondrana ary tsy re mihitsy ny amin'izay vahaolana entina ho azy ireo hatreto. Na efa nanao fitarainana aza izy ireo, satria nasaina nanao izany araka ny nambaran'ny tomponandraikitra, dia tsy hita izay valiny nahafapo.

Tsy eto an-drenivohitra sy ny manodidina ihany anefa no ahitana ireo voailika ireo fa manerana ny faritra eto amin'ny Nosy. Voakasik'izany: ireo mpitatitra amin'ny zotra nasionaly, ireo mpivarotra, ny mpisera-dia, ireo mpiasa niasa tamin'ireo orinasa nakatona, sns... Maro ireo olom-pirenena any amin'ny faritra no manao antsoantso ny amin'ny anjarany amin'ny fanampiana, fa toa adino izy ireo, henonay foana hoy izy ireo amin'ny televiziona sy amin'ny radio fa mahazo tosika sosialim-bahoaka, ny atsy, na ny aroa, fa tsy mba tonga aty amin'ny faritra, tsy tonga aty ambanivolo izany tosika fanampiana izany.

Eo amin'ny sehatry ny fampianarana ihany koa, dia hita miavaka izay voailika izay. Tsy voatsinjo na tsy tsinjovina mihitsy ireo ray aman-dreny amin'ny sekoly tsy miankina amin'ny fanjakana ao anatin'izao fahasahiranana amin'ny fampidirana mpianatra sy ny kojakojam-pianarana, fa eo ireo. Niaka-bidy hatrany anefa ny vidin'ireny fitaovam-pianarana ireny, ary maro ireo sekoly na saika izy rehetra mihitsy no nampiakatra ny saram-pianarana. Tsy ao anaty kajin'ny fitondrana mihitsy ny vahaolana amin'izany. Iza anefa no hisaina ny momba azy ireo? Iaraha-mahalala fa miaina ao anaty fahasahiranana ny maro, izay tsy afa-miàla amin'ny krizy ara-pahasalamana sy krizy ara-tsosialy manjo ny firenena. Ny sekoly rehetra mazava loatra sy efa hita miharihary fa tsy mivaky loha ny amin'izany, fa ny azy ihany.

Eo amin'ny lafiny politika, dia iaraha-mahita ny fanilihana ny mpifanandrina politika amin'ny fitondrana sy tsy mitovy hevitra aminy, na ny antoko sy ny vondron'ny mpanohitra. Notsinontsinoavina izy ireo tamin'ny andro iraisam-pirenena ho an'ny demokrasia ny talata 15 Septambra lasa teo ary toy ny tsy nisy ny kianjan'ny demokrasia teny Ambohitovono.

Hatrany am-piandohan'izao fitondrana izao no efa niseho ireo fanilikiliana sokajin'olona ary niha-niharihary izany niditra ao anatin'izao hamehana ara-pahasalamana izao. Misy araka izany eto omena vahana sy voatsinjo, fa misy atao anjorom-bala, ka tsy henoina sy tsy itadiavam-bahaolana maika mba hampirindra ny fiainam-piaramonina.

Amin'izao fitondram-panjakana izao, faritra iray no tena misongadina ao anaty governemanta, ny faritra hafa dia misy tsy manana, nisy ny efa nahazo fa dia noesorina aza izy ireny. Mbola ao anatin'ny fanilikiliana ataon'izao fitondrana Rajoelina izao avokoa izany. Miha-mitombo ireo voailika ankehitriny, ireo no mety hampipoaka ny sarom-bilany tsy ho ela!


Sôh'son

VALANARETINA CORONAVIRUS

1 ny lavo omaly, 68 ny tranga vaovao, 30 no sitrana

1 ny lavon'ny valanaretina coronavirus omaly teto Madagasikara, arak'izany, 215 ny totalin'ny maty noho ity valanaretina ity hatramin'ny nidirany teto Madagasikara. 68 ny tranga vaovao, izany hoe 15871 ny olona nitondra na mitondra ny tsimokaretina corona eto amintsika hatramin'izao. Raha ny sitrana kosa indray, nahatratra 30 izy ireo omaly nanerana ny Nosy, izany hoe 14482 hatreto ny fi-

tambaran'ny sitrana. Ireo marary mafy kosa noho ity valanaretina covid 19 ity dia 24, nihena 5 miohatra tamin'ny afak'omaly. Ireo marary mbola arahimaso dia 1172, nitombo 37. Anterina hatrany ny fanarahana ireo fepetra ara-pahasalamana, ho fisorohana ny fiparitahan' ity valanaretina ity satria dia tena mbola eto amintsika hatramin'izany ny tsimokaretina.



Aly Ny tarehi-marika avy eny amin'ny CCO covid 19 Ivato omaly.

Toekarena

Milamina ny lalana ho an'ireo vahiny manjakazaka eto

Mahakivy ny olom-pirenena vanona, tia tanindrazana, saro-piara mafy amin'ity Nosy ity ny fahe-noina sy fahafantarana, fa ny vahiny no manjaka amin'ny harem-pirenena sy mahazo laka amin'ny toekarena eto. Manjakazaka izy ireo na amin'ny harena ankibon'ny tany, na amin'ny ambonin'ny tany, ka ao anatin'izany ireo orinasa. Matetika aza, ny hitan'ny vahoaka, omena vahana izy ireny amina tranga samihafa na amin'ny resaka tany na fanorenana isan-karazany na fandraharahana amin'ny ankapobeny. Niha-nitontongana ny toekarem-pirenena tato anatin'ny enim-bolana izao. Niharihary ny harefoan'ny fiarovana ny mpiasa Ma-

lagasy amin'ny asany ao anatin'izany. Nisarangotana izay azony nisarangotana rehetra ihazonana ny asa ianteherana amin'ny fivelomana. Toy ny vahiny amin'ny taniny ilay mpiasa Malagasy niafiaty sy niharitra ny mafy samihafa. Raha any ivelany ny toy ireny niainany ireny efa zavatra hafa no nitranga. Tsy hita taratra na kely aza ny mba finavian'ireo vahiny tompona orinasa hiaro ny fiveloman'ireo mpiasa sy nitan-tsoroka azy sy nanohana hiavaka amin'ny hafa satria efa nigoka sy nangoron-karena tsy hita noanoa nandritry ny fotoana ela. Nahoana no mpiasa Malagasy eto miara-miasa amin'ny vahiny any ivelany any amin'ny ala-

lan'ny fifandraisan-davitra kanefa mahita tombontsoa? Ny mpiasa Malagasy miasa amina orinasa vahiny eto anefa toa sahirana ambony ihany. Misy tsy milamina ao. Hanarina ny toekarena no manomboka adivevitra amin'izao fotoana izao. Tsy hita soritra mihitsy anefa ny ezaka ataon'ny fitondrana manara-maso ireo orinasa vahiny rehe-tra eto, ka hifehy azy tsy hitsentsitra ny mpiasa Malagasy. Maro ireo orinasa tantanin'ny vahiny, toy ny banky izay tena tsy manao afa-tsy ny hangoron-karena eto, fa tsy mivaky loha amin'izay hahasoa ny vahoaka Malagasy velively, ka hanao izay hano-drotana ny firenena. Kely endaka sy tsy misy

afitsoka amin'izany ny fitondrana, ary manaraka ambokony fotsiny aza. Ny fitaizana, ny fanabeazana, ny fampianarana ampiharina eto amin'ny firenena, dia mitondra ny vahoaka amin'ny ankapobeny tsy ho tompondra-itra amin'ny lafiny samihafa, fa ny hiantehitra amin'ny fiankinan-doha amin'ny manan-katao. Saika ny ankamaroan'ny zana-bahoaka mantsy dia tsy mahatody mianika ny fampianarana ambony noho ny antony samihafa ary ny lehibe amin'izany dia ny fahantrana. Milalao tanana sy matoky tena manoloan'izany ireo vahiny manjakazaka eto.

Sôh'son

Sakafo Ny Valosoa




Henomby ritra sy poireau indray no laoka amin'ny Sakafo eto amin'ny gazetinao androany. Ritina ny henomby dia handrahoina mitokana, hatao saosisa-saosy ny poireau. Hatao haingon'ny henomby ritra izany avy eo. Dia mazotoa homana tompoko.

NY VALOSOA sy Mahasoa

Fomba natoraly fandevonana appendicite

Fomba natoraly fandevonana appendicite indray no Mahasoa eto amin'ny gazetinao androany. 1-Tantely afangaro amin'ny vinaigre fotsy na mena. Atao mitovy fatra, ohatra: tantely1vera sy vinaigre 1vera dia atambatra izy roa, ka azo tehirizina amin'ny toerana tsy azon'ny hafanana, mandevona appendicite izany. Fatra: 3 sotro fihinana isan'andro, izany hoe 1 maraina/atoandro/hariva, alohan'ny hisakafo, mandritra ny 5 andro. 2-Ratin'akondro (vatan'akondro) ilay amonosana fitsa iny dia azo sotroina handevonana appendicite koa ny karazana dite avy aminy. Tanehina amin'ny rano 1l, sotroina mandritra ny tontolon'ny andro iny 1l iny, mandritra ny 5 andro koa. -Ny fambara fa misy appendicite: manaintaina be ao amin'ny ila-kibo ambany, no sady mitady hanavy be ianao, no te handoa, somary ampiakarina aforitra ny lohalika, izay tandrify ilay faritra marary, ka heno fa misy manaintaina ny ila-kibo ambany dia appendicite izy izay.



NY VALOSOA sy Mahaliana

Ny tanànan'i Nosiarina, any amin'ny distrikan'i Sambava, faritra Sava

Ny tanànan'i Nosiarina, any amin'ny distrikan'i Sambava, faritra Sava indray no Mahaliana eto amin'ny gazetinao androany. Renivohitry ny kaominina Nosiarina ity tanàna ity. 100 m eo ny haavony miohatra amin'ny ranomasina. Andalovan'ny reniranon'i Bemarivo ity tanàna ity. Noho izay izy lalovan'ny renirano izay, dia misy ireo mpanjono mpanjono ny mponina amin'ity tanàna ity, ankoatra ny mpamboly, mpamboly lavanila, izay vokatrina fanondrana mampalaza ny distrikan'i Sambava.



Mazotoa mihira

Manjaka ny asan-jiolahy eto amintsika, misy hatramin'ny jiovary ihany koa ankehitriny any amin'ny sehatra samihafa, ny hira izay atolotra anao dia natao hisaintsainana sy hanalana hamohamo ihany koa, koa mazotoa mihira ary e !

ILAY JIOLAHY

Mplhira : Tarika Ny Alondrano / Mpamorona : Randrianasolo Benoit

Tany Meksika
Any atsimon'i Amerika
Nisy jiolahy masiaka
Tena bandy gaigilahy
Ratsy saina sy fanahy
Tsy mivavaka ry lahy
Na ny omby na kisoa
Na ny gisa na ny akoho
Nangalariny avokoa
(El Bandido)
Tiana koa ny manambara
Fa ny zavatra hainy tsara
Dia ny hira sy gitara
Ny kalony mambabo fo
Fa manga feo tokoa tokoa

(El bandido)
Dia natao ny fitsarana
Ka voaheloka avy hatrany
Ho vonoina ilay mavany
(El bandido)

Rehefa samy vonona
Hitifitra azy ny olona
Dia nangataka hiteny
Ilay mpangalatra ka eny
fa izao no nolazainy
Raha ho vita ny tantarako
Any andanitra no hiafarako
Aza fady ny gitarako
Dia nihira teo izy
Ka sondriana izaitsizy
Ny vaventy sy ny ankizy
Tsisy basy iray nipoaka
Fa variana ny vahoaka
D'izy lasana nitsoaka
Nanenjika azy ihany ireo
Sy ireo vahoaka marobe
Fa izy kinga sy mahay
Ka tsy azo intsony
Hatramin'izay



Indray andro anefa izy
Raha nanao ambozizy
Tamin'ny volan'ny eglizy
Dia nalain'ireo mompera
Ny polisy kaomisera
Basy sy revolvera
Dia voasambotra zareo
Ilay mpihira tsara feo
Jiolahy nampitreo

MANOMBO ATSIMO, ATSIMO ANDREFANA

Toherina ny kolikoly amin'ny endriny rehetra, hajao ny zon'ny olom-pirenena

Manohana ny fanajana ny zon'ny olom-pirenena ao Manombo Atsimo, faritra Atsimo Andrefana sy manohitra ny kolikoly amin'ny endriny rehetra any an-toerana ny fikambanana Collectif pour la défense des terres malgaches – TANY. Ny BLUEOCEAN LTD, orinasa aziatika nijoro teto Madagasikara ny volana janoary 2019, dia mikasa hiorina ao amin'ny kaomina ambanivohitra Manombo-Atsimo, faritra Atsimo Andrefana, mba hiasa amin'ny fambolena akorandriaka sy ny fanondranana ireo vokatra avy amin'ny hazan-dranomasina. Izany orinasa izany dia tompon'andraikitra amin'ny fihetsika misy vokany mampidi-doza amin'ny zo ara-toekarena, sosialy ary kolontsain'ny vondrom-piarahamonina mandodidina, ary koa amin'ny tontolo iainana an-dranomasina ao an-toerana. Ny fitrandrahana ataon'ny orinasa ao amin'ny tanàna kelin'ny mpanjono Vezoity, dia voalaza fa tokony hihanaka eo amin'ny 250 hektara eo amoron-dranomasina, ary hisy fiantraimany mety hanimba ny antom-piveloman'ireo mpanjono madinika sy ireo honko, izay misy ampahany tena manan-danja eo amin'ny harena voajanahary lovain-jafy ao an-toerana. Na dia tsy

mbola eo am-pelatanany avokoa aza ny fahazoan-dalana ilaina amin'ny asany, dia mikasa ny hipetraka eo amin'ny toerana atao hoe Mililoke ireo mpanohana an'i BLUEOCEAN, toerana manan-tantara izay misy ny fasan'ny mponina, izay manohitra ny fanalana azy ireo. Fanampin'izay, ireo mpivovy sy mpanohana ny orinasa BLUEOCEAN LTD dia miray tsikombakomba amin'ny kolikoly sy fanaraotam-pahefana ataon'ny mpiara-dia aminy eo anivon'ny manam-pahefana ao an-toerana, izay "toa nampanantenana fanomezana ara-bola be, ho mariky ny fankasitrahana (commission)" hono. Ankoatr'izany, dia heno fa nandrahona ireo mpitarika ny fikambanana Femmes en Action Rurale de Madagascar (FARM), tamin'ny alàlan'ny antso antarihy ny mpanohana ny orinasa. Manohitra ny fio- renan'ity orinasa ity ao amin'ny tanànanany mantsy ny ankamaroan'ny mpikambana amin'ny FARM, na eo aza ny vola nolazaina fa homena azy ireo ho takalon'ny fanekeny. Ankoatr'izany, vehivavy maro mpikambana ao amin'ny FARM, izay nindrana vola tamin'ny mpiavaroitra iray ao an-toerana - sady manam-pahefana eo an-tanàna manohana ny fananganana ny BLUE-

OCEAN LTD ao Manombo ihany koa - no nentina tany amin'ny tobin'ny zandarimaria ary nasaina n-nome ny fanekena ny tetikasan'ity orinasa ity, raha tsy izany dia hahazo sazy noho ny trosa tsy voalao. Manoloana an'io toe-javatra io, ireo fikambanana manao sonia ity fanambarana ity dia miantso ny tompon'andraikitra mahafa, mba hanatanteraka amin'ny fomba mahomby ny fanaraha-maso ny zavatra ataon'ny orinasa BLUEOCEAN LTD manokana, sy ireo mpampiasa vola vahiny amin'ny ankapobeny eo amin'ny sehatry ny toekarena manga, mba tsy hahatonga ny fampandrosoana azy ho lasa antony hampanjakana ny kolikoly sy hanit-sakitsahana ny zo fototry ny vondrom-piarahamonina any ifotony. Tena maika ny fandraisana fepetra satria mirongatra mihamaro ny fihetsiketsehana ataon'ny mponina manerana ny firenena vokatry ny fahakiviana mi-hatra amin'ny vondrom-piarahamonina miatrika tetikasan'ny mpampiasa vola, toy ny tranga misy any Vohilava distrikan'i Mananjary, hoy ihany ity fanambarana avy amin'ny Collectif pour la défense des terres malgaches – TANY ity.

Ny Valosoa

Groupe Lydia

Mitory amin'ny gadona maroloko

Tany amin'ny manodidina ny taona 2000 no nijoro ny groupe Lydia. Antom-pisiany ny hitory ny filazantsara eto an-tanindrazana hatrany Dilambato amin'ny alalan'ny hira sy mozika ary dihy. Ho fanatanterahana izany, mila-lao gadon-kira maro ny tarika. Miainga amin'ny bankira milamina toy ny « slow », « jazz » ary misandrahaka hatrany amin'ny mihetsika tahaka ny mozika rock, reggae, tsy hadinon'ny groupe Lydia ihany koa ny gadona tototanana malagasy toy ny bagasy sy ny hiragasy. Taratra io, tamin'ny fampiaraham-peon'i Lydia sy i Bakomanga tao anatin'ilay sanganasa « Ry mpiray tanindrazana ».




Ny mpanakanto Lydia.

hafehy ny teny vahiny toy ny frantsay sy ny anglisy ihany koa i Lydia. Ireo rehetra ireo, samy entina hanamorana ny fampitana ny hafatra raiketin'ireo tononkira, hoy hatrany izy. Amin'ny fomba tsotra nefa kanto no hanajarian'ny groupe Lydia ireo sanganasany. Ezahana ho mora raisina hatrany ihany koa ireo tononkira jarian'izy 12 mianadahy mandrafitra ny tarika. Manana fanomezam-paha-soavana amin'ny famoronana tononkira i Lydia. Anisan'ny vinanasa kasaina hotanterahana ho

azy ireo ny hanatanterahana fitoriana an-kira goavana eto an-drenivohitra. Mialoha izany, efa namoaka ny kapila mangirana « Aza mora kivy » mirakitra hira miisa 11 ny tarika. Ampahany amin'ireo ny « I really love You », « Il est mort à ma place », « Masina ianao », « Allô tsika lahaby », « Aza mora kivy ».

Ny 26 septambra 2019 lasa teo no nampiseho ny kolontsaina malagasy tamin'ny alalan'ny hira sy dihy tany Beijing, Sina, i Lydia tao anatin'ny hetsika foara lehibe notanterahana tany an-toerana. « Mandehana mitoria... » lo andalan-tsotra masina voarakitra ao anatin'ny baiboly io no teny manentana ny tarika amin'ny fanatanterahana ny fitoriana an-kira ataon'izy ireo. Misokatra malalaka amin'ny fiaraha-miasa ho amin'ny fanabeazam-boho ny fanaparahana ny vaovao mahafaly ny tarika. Lalasoa R.

NY TENY FIAINANA



«Misaora an'i Jehovah, ny miaramilany rehetra, dia ny mpanompony izay manao ny sitrapony.»
Salamo 103:21



Tsy fahaizan'ny fitondrana ny fanakatonana orinasa maromaro amin'izao andro sarotra izao



Angelo Ramy : orinasa 20 mahery no nakatona noho ny tsy fandoavan-ketra... @ izao tany efa sarotra izao ve no manao izany. Tsy tokony hanao izany ny fitondrana amin'izao andro sarotra izao. Ho aiza avokoa izany avy eo ireo mpiasa voatery tsy maintsy mijanona amin'ny asany.

Rakotovo Eddys : ZAY NO TADIA-VINY E, AMPY TSARA ZAY KA. MINO AHO FA TSY MISY ORINASA ANA VAHINY IREO NAKATONA IREO.

Tonii Ariniaina : tena mbol ho mafi2 n hahazo atsika ato ho ato. Fa ze tsy mandoa hetra rehr de tsy maintsy akatona dahol en plus izy efa numerisena ty. Mahamay daol @ zay fa tsy mahazo mitaraina tsony. Ny mpiasa madinika hatrany anefa no ho voa mafy amin'izany, tokony hisy foana ny fifampiresahana, tokony hisy azan y famelan-keloka ara-ketra satria sahirana avokoa ny orinasa rehetra mandritra izao hamehana ara-pahasalamana izao.

Marc Anthonio Ramanoelina : mbola aiza no hanjo antsika e. Tsy mila amporisihana izany ny orinasa hanakarama olona na dia krizy aza, fa aleo akatona amin'izay isika miantehitra am fanafarana entana, mba hampanakarena ny sinoa, vazaha sy karana. Tsy mitsinjo gasy mihitsy ny fitondran-dRajoelina fa ny vahiny ihany, ny vahiny hatrany.

Aureline Sh : dia mitombo ihany zany ny very asa nefa ny firenena hafa @izao miezaka manampy ny orin'asa ny fanjakana, mba tsy hisian'ny krizy be. Tena tsy mahay n'inona n'inona mihitsy ny mpitondra antsika tarihan-dRajoelina.

Randriambahoaka Soanaivo Erik : ny relance économique dia mila mifampidinika amin'ireo orinasa ny amin'ny handoavany ny hetrany, foanana mihitsy aza ny hetrany raha azo atao.

Zoky Elec Tron EEngineer : fa angaha moa tsy hoe : tsy hisy contrôle amin'ity taona ity e? dia izao lasa misy contrôle indray, hita mihitsy fa fanakatonana politika ny fanakatonana ireo orinasa ireo, fa tsy resaka hetra izany. Amnistie fiscale aza no tena angatahan'ny secteur privé eto amintsika amin'ny fitondrana. Ary tokony ho

eken'ny fitondrana izany raha tena mahay izy, mba tsy hampitombo isa ny tsy an'asa, ka ho vesatra ho an'ny toekarena sy ny sosialy.

Marie Dinvan : alefa ihany fa bé loatra ilay mitady tsy ho sahirana e, hita mihitsy hoe: ny fitondrana no miteraka ny fahasahiranam-bahoaka.

Rapix Hery : merci président ! 13 fô ! Amnistie fiscale aza no tokony hamena ireo secteur privé ireo, zare no tena mampihodiny économie.

Sahondra Mampionona Sue : zay zany le namoriana anzareo teny andapa e... hakatona fa tsis ahamehana zany eto. Mazava fa potehana ny orinasa Malagasy, fa ny vahiny no avela hialabona.

Keiro Anjan Andrianirina : fa raho-viana moa ny tany no tsy ho sarotra, sa adala dahol reo orinasa kelt madinika nefa miezaka ny mandoa hetra reo!

Lolo Ko : ny repoblika faharoa no fositra nanafoana ny hetra.

Andrianarimalala Heritiana : hanangana na hanokatra ny orinasa mikatona aza no tokony hatao, fa tsy ny orinasa mandeha no akatona, na dia efa ao anaty fahasahiranana aza izy ireo.

Holy Lou Rsl : donendrina mitsy ty fajakana ty: hamehana ara-pahasalamana no atao, dia fanakatonana orinasa no atao, v mihitsy e!

Tsiambara Telo : ZAO NO ALEHANY REHEFA MPITONDRA PONDRO. Hihihiiiiiii!

Eug A Ramanankoraisina : mba tani-sao hoe zany orinasa 20 nakatona izany azafady? Mety tsy hisy an'izany akory, fa ny AAA Magro no tena tiana akatona noho ny antony politika dia mody mamorona hoe: misy orinasa 20 hafa koa nakatona!

Cristhobal Andriatiavina : ts rariny izao fanakatonana orinasa ataon'ny mpitondra izao, tokony hampiana aza izy ireo hiarina fa tsy potehana akatona toy izao.

Wilkoof Rochelot : tohizo ihany ny fanapotehina ny Malagasy, misy farany raha jiaby, ho avy izay tsy ho ela, ho an'ireto mpitondra saribakolim-bazaha ireto, miainga amin'ny filoha Rajoelina.

RAHARAH FITRAMA TOAMASINA

Resy teny amin'ny Fitsarana Dr Rakotondranaivo Jean Pierre

Nahazo ny rariny teo anivon'ny Fitsarana Ambaratonga voalohany tao Toamasina ny fitoriana nataon'ny Fitrama (Fitsaboana Tradisionaly Malagasy), tarihin-dRafanomezantsoa Jean Nirina, manoloana ny fikasan' i Dr Rakotondranaivo Jean Pierre, hitazona ny Ivon-toerana Fitrama any an-toerana. Nilaza Andriamatoa Rafanomezantsoa Jean Nirina, Tale Jeneralin'ny Orin'asa Fitrama, fa nitondra « Huissier » sy Mpitandro filaminana i Dr Rakotondranaivo Jean Pierre, mba hanakatonana ny Fitrama Toamasina, miaraka amin' ireo fanagiazana ny fitaovana rehetra ao anatin'ny. Nandray andraikitra avy hatrany ny Tale Jeneralin'ny Orin'asa Fitrama manoloana ny tsy fanara-



han-dalàna nataon' i Dr Rakotondranaivo Jean Pierre, sy ny ekipany, ka nametraka fitoriana manoloana ny Fitsarana mahafa ao Toamasina. Nivoaka ny Alatsinainy lasa teo ny Didim-pitsarana, izay nanamafy, fa miverina amin'ny Orin'asa Fitrama ny ivon-toerana fitsaboana any Toamasina, miaraka amin'ny fitaovana rehetra ary niala maina tsy nahazo ny rariny i Dr

Rakotondranaivo Jean Pierre sy ny mpanaradia azy. Nanohy fanazavana ny avy amin'ny Fitrama, fa ankoatran' ny Fitrama Toamasina dia mbola an' ny Fitrama avokoa ireo ivon-toerana manerana ny nosy toy ny : Fitrama foibe 67 HA , Fitrama Anosizato Atsinanana, Toliara, Analavory, Imerint-siatosika, Arivonimamo, Mahitsy, Ambatolampy, Manjakandriana, Maha-

norro, Vatomandry. Ankoatra izany, nanohy fanazavana ny tompon'andraikitra ny Orin'asa Fitrama, fa nasiana fanatsarana ny fomba fitsaboana ao amin' ny Fitrama, satria miaramiasa amin'ny « Cinique » amin'ny fanaovana « Echographie », »Scanner », fisafaoana, toeram-pitehahana, fandidiana sy ny sisa... Nilaza Andriamatoa Rafanomezantsoa Jean Nirina, fa Orin'asa mijoro ara-dalàna ary manatanteraka fitsaboana manaraka ny fepetra ara-pahasalamana miaraka amin' ny fitaovana manara-penitra ary manana tanjona dia ny fampihenana ny saran'ny vola aloan'ny olona amin'ny fitsaboana, izay atao ho tombontsoan'ny vahoaka Malagasy.

Franck Razakambelo

Cisco Ambatolampy

Lasa miantoka 1000 Ar ireo mpiasam-panjakana maka avis de crédit

Nanaitra ireo mpiasam-panjakana ny fiovana lehibe niseho tao amin'ny Cisco Ambatolampy, faritra Vakinankaratra, lasa niantoka fahana 1000 ar, raha maka avis de credit, ny mpiasam-panjakana. Teo aloha anefa tsy nisy an'izany, fa nandeha tsara ny fizotry ny asa na dia somary nanahirana ihany aza ny fiandrasana résau, olana lehibe ny resaka connexion aty amin'ny faritra Vakinankaratra, asa tsy hay aloha hatreto izay anton'izany. Ankoatra izay, rehefa nosarahina ny ministeran'ny fampianarana ny teknika sy ny fampianarana ankapobeny, mihantona avokoa ireo antotan-taratasy rehetra satria niova ny ministera, misy aza ireo niverina, ka havaozina indray, mahatsiaro fahasahiranana noho izany ireo mpanabe avy lavitra miakatra eto amin'ny Cisco Ambatolampy.

Nofy Andrianjaka



Ny tanànan'Ambatolampy.

Mpambongady voatafika

Jiolahy 2 azo sambo-beloma, ny 2 hafa namoy ny ainy

Tokantranona Grossiste, na mpambongady iray tany Port Bergé, faritra Sofia, no niharan'ny fanafihan-jiolahy mitam-piadiana, ka noratrain'ireto farany tamin'ny vodibasy ilay raim-pianakaviana, raha novelesin'izy ireo ny maritao kosa ilay renimpianakaviana sy ny zanany. Vola mitentina 2.400.000 Ar sy finday avo lenta miisa 04 no azon'ireo jiolahy, ka lasa nandositra avy hatrany ireto farany. Nisy mpiray vodirindrina anefa naheno ilay fanafihana izay tsy nihambahamba niantso mpitandro ny filaminana.Tonga teny an-toerana ny Polisy sy



Fitaovam-piadiana vita gasy, nampiasain'ireo jiolahy nanafika.

ny zandary ary vonona nanampy azy ireo ihany koa ny fokonolona teo an-toerana nananjika sy hisambotra ireo nahavanon-

doza. Raikitra ny fanenjehana ireto olon-dratsy ary ny andro nisian'io fanafihana io ihany dia tratra avokoa ireo jiolahy miisa

04 nanao ny fanafihana niaraka tamin'ireo fitaovam-piadiana, toy ny basy vita gasy sy ny Poleta nanaovan'izy ireo ny asa ratsy.

Tao anatin'ny fisamborana ireto olon-dratsy dia saika nampiasa ny fitaovam-piadiany indray ny Jiolahy miisa 02, ka nampirongatra ny fahatezeran'ny fokonolona ary nahatonga ny famonoana an'ireto jiolahy. Vokat' izay fikasihana-tanana nahazo ireto olon-dratsy izay dia namoy ny ainy ny jiolahy miisa 02, raha naratra mafy kosa ny jiolahy 02 ambiny.

Niaina

Tetik'asa Maheno

NY 14% ny mponina no marenina amin'ny faritra Analamanga

14% ny mponina amin'ny faritra Analamanga dia manana olana amin'ny sofina sy ny fandrenesana avokoa. Nanatanteraka atrik'asa ho fampiofanana an'ireo tompon'andraikitra ny fahasalamana eny anivon'ny Csb I sy Csb II, amin'ny faritra Analamanga ny tetik'asa Maheno, miara-miasa amin'ny Ministeran'ny Fahasalamana. Ny fanamafisana ny tari-dalana ho an'ny mpi-tsabo amin'ny fandraisana an-tanana mialoha an'ireo olona ahitana soritra aretin-tsofina toy ny totongan-dronono no tanjon'ny fiofanana. Eo ihany koa ny fifehezantsaboana ny aretin-tsofina eny anivon'ny toeram-pitsaboana fototra, mba ho vitsy dia vitsy ny isan'ny tran-gan'areti-tsofina, na marenina tsaboina aty an-drenivohitra. Nilaza ny Dokotera Randrianarisoa Theodore, Mpandrindra ny tetik'asa Maheno, fa alefa eny amin'ny Hopitaly, izay miara-miasa amin'ny tetik'asa Maheno no hatao fandidiana ireo fitsaboana tsy vitan'ny Csb I sy ny CsbII. Efa nanomboka ny Alatsinainy teo ary nifarana omaly Alarobia 16 Septambra 2020 ny fiofanan'ireo tompon'andraikitra ny fahasalamana, izay notanterahina tetsy Amparibe. Ny fampivelarana ny fandraisana an-tanana ny fitsaboana ny fandrenesana, no tanjon'ny tetik'asa Maheno, izay tohanan'ny CBM, miara-miasa amin'ny Hopitaly ORL Loterana Ambohibao. Tsihivina fa nanomboka tamin'ny taona 2017, ka hatramin'ny taona 2019 ny tetik'asa Maheno andiany voalohany, ka ny fametrahana rafitra sy ny fampiofanana ary ny fitiliana sofina eny anivon'ny Fiaraham-nina no tena nampiavaka an'ity andiany voalohany ity.

Franck Razakambelo

Tsy fandriampahalemana

Ramatoabe naolana avy eo novonoina

Nisehoana habibiana eo amin'ny lafiny tsy fandriampahalemana tany Antsirabe, faritra Vakinankaratra. Ramatoabe no voaolana tamin'izany, rehefa avy eo dia novonoina ity ramatoa ity. Nahatsikaritra ny manodidina

hoe: aiza izy satria dia roa andro tsy hita. Fanaony tsinona ny mandeha manao fanazaran-tena isamaraina, izy rahateo tsy salama satria tapaka lalan-drà. Ny zoma teo izy no hita faty tao an-tranony tao Atsinanan'Ivohitra ary

rehefa natao ny fanadihadiana dia nisy namono izy, nokendaina sy naolana. Lehilahy niasa tao aminy no ahiahiana ho nahavita izao, mitohy ny fanadihadiana...

Stefa



Ny tanànan'Antsirabe, hisehoana tranga mampivarahontsana koa.

Naratra mafy rangahy, ramatoa namoy ny ainy

Polisy mivady nitondra moto nivarina tany an-kady

Mpivady nanao taingin-droa moto, naratra tra-doza ny mpitondra, maty ramatoa vadiny tao aoriana. Nitrangana lozam-pifamoivoizana tamin'ny alalan'ny moto tao Ankarefo Kaominina Anosibefody, distrikan'i Moramanga, faritra Alaotra Mangoro, tamin'ny fiandohan'ity herinandro ity. Polisy mivady nanao taingin-droa tamin'ny moto no nifatra tany anaty hantsana raha niala kamiao. Naratra ilay Po-



Ilay ramatoa maty noho ny loza tamin'ny moto nihàtra tamin'ny.

lisy nitondra ny moto, namoy ny ainy kosa ilay ra-

matoa vadiny, 51 taona. Avy aty Antananarivo hiazoy

Stefa

an'i Moramanga izy mivady ireto no izao tra-doza izao. Ny tsapa amin'ny lalampirenena faha-2 (RN2) iny, somary misetrasetra ihany ireo kamiao mampiasa izany lalampirenena izany, ka mihafihafy avokoa ireo rehetra izay mifanena aminy, antony anisan'ny nahatonga izao loza nitranga izao, satria tsy maintsy miala ireo rehetra mifanena amin'ireto fiara vaventy ireto.



Ny atrikasa niarahana tamin'ny tetikasa Maheno.

FIANAM-PIRENENA

Ireo manao tsinontsinona ny lalàna velona no tena adala

Nahazo sehatra tamin'ny fampahalam-baovao ny fisian'ilay olona nambara fa « adala » nihanika « pylône » teny Anosizato, niteraka fanapahana ny rian'aratra tamin'ny faritra sasany teto an-drenivohitra sy ny manodidina. Misy ny fitenenana manao hoe «tanambe tsy ilaozan'adala » , koa tsy mahagaga raha ahitana karazan'adala maro eto Antananarivo izay ilana ny fandraisan'andraikitra avy amin'ireo manampahafana.

Fa tsy ireny anie no tena manahirana eto amin'ny firenena, f'ireo sokajin'olona toa miseho ho manao ny « fahendrena» kanefa manoatra noho ireo manary lamba ny afitsony, anisan'izany ireo manao tsinontsinona ny lalàna velona eto amin'ny tany ama-monina, mihevitra ny vahoaka malagasy ho adala sy bado, ka manararaotra mampihàtra ilay fomba fitenenana manao hoe « ny hendry mody

voky, fa ny adala manesika ihany », dia manesika tokoa anie izany tsy tahotra tsy henatra.

Ny tsy takona afenina dia ireo mpikirakira fifidianana izay mampiteny ny moana sy mampitampim-bava ireo vavàna , satria raha lisi-pifidianana feno hosoka no nampiasaina tamin'ny teo aloha, niova filamatra indray ireto « olonkendry » satria mpifidy tsy mahafeno lisitra no asaina handatsa-bato , fa ny mpifidy sasany mbola any an-kibon'ny omby, ao ireo fifidianana ben'ny tanàna sy mpanolotsainan'ny tanàna tokony haverina, sy ny fifidianana any amin'ny faritra sy ny faritany tsy misy resaka, mazava ho azy fa very zo ny vahoaka any amin'ireo kaomina sy ny faritra ary faritany tsy voasolotena, fa ny tena mampalahelo dia ireo ho voafidy rahatr'izay mbola tsy tonga eo amin'ilay toerana akory dia efa very zo, satria tsy mba naneho ny safidiny toy ireo efa voafidy amin'izao fotoana

izao. Ireo marary saina noho ny antony samihafa izay antsoina hoe « adala » dia tsaboina eny amin'ny lalampirenena fahaefatra kilaometatra faha18, misy amin'izy ireny sitrana soa amantsara dia afaka miverina eny amin'ny fiaramonina, f'ireo manao ny hadalany any amin'ny ambaratongam-pahefana kosa dia mbola miriaria sy mirehareha hatrany, ary milaza ny tsy hihemotra fa hiroso amin'ny fifidianana ny ampahany amin'ireo 18 amin'ny 11 Desambra ho avy izao. F'ilay adala nianika « pylône » nanapahana rian'aratra no niandohan'ny adiveitra, fandraisan'andraikitra ny fanapahana rian'aratra, fa momba ireo « tsy hendry » izay mihanika any amin'ny rafitra ambony ihany koa dia tsy misy manapaka ny atao-ny fa mitohy hatrany, ka ny vahoaka no tena mizaka ny resak'adala ataon'ireo mpanampatra fahefana ireo .

Ny Valosoa

Fitantanana ny coronavirus

Mahazo sehatra ny omeko tsy omeko

Efa ho enimbolana izao ny nidiran'ny koronavirusy teto amintsika, tsikaritra fa tsy mandeha amin'ny laoniny ny fifehezana ny valanaretina amin'ny lafiny rehetra misy .

Raha raisina ny mikasika fitaterana, dia kitoatoa ny fandraisana fanapahankevitra momba ny fihobohana, ireo taksibe izay fantatra fa antony nampitombo ny valanaretina dia mbola mitohy hatrany ireo fepetra tsy mahomby, toy ny fisian'ny toerana efatra amin'ny laharana iray, raha ny tokony ho izy dia ny seza afovoany no tokony hampiasaina dia atao telo ny laharana iray .

Ny mpamily sy mpitaky vola amin'ny taksibe, tereana hitondra "visière" izay vahaolana mamoa-doza, satria vao mainka sahirana ireo mpamily, satria misy fiantraikany amin'ny fahitana ny fitondrana ny "visière", ka mety hitera-doza, ny azo hambara dia mety misy ambonimbony mibizina "visière"ka hodi-an-tsy hita ny voka-dratsiny, ny fizarana ireo tsiranoka na "gel désin-



fectant" dia zara fa misy ankehitriny, fa dia mandeha ny "omeko tsy omeko" .

Mikasika ireo fanampiana dradradrain'ny fitondrana toy ny tosika fame-no e, vatsy tsinjo e, sosialimbahoaka e, sns... raha ny tokony ho izy, samy tokony ho sitrahan'ny olompirenena avokoa izy telo ireo, matoa samihafa ny anarany, Ingahy

Filoha aza nilaza fa samy mahazo avokoa kanefa dia manjaka ny "omeko tsy omeko", ny nampalahelo dia tsy nisitraka ireo fanampiana ireo ny vahoaka any amin'ny faritra. Hiroso amin'ny hamehana faha14 izao ny fitondrana, ny azo antoka dia mety tsy havotsitr'Ingahy Filoha ny hamehana fa dia mbola ho ataony "omeko tsy omeko" .

Ny Valosoa

An-tsary misongadina Ny Valosoa Vaovao

Helisoa

Ireo sentateran'i Madagasikara nanatitra fitoriana teny amin'ny HCC.



AMBATONDRAZAKA: lehilahy efatra (04) maty tao anaty lavaka "WC". Nanamboatra "WC fosse septique" an'ny fiangonana Jesosy Mamonjy Ambohimiangaly izy 4 mirahalahy ireto omaly. Efa tafakatra tety ambony izy ireo no nahatsikaritra fa mbola nisy adino ireo fitaovana. Niverina naka izay ny iray tamin'izy ireo ary latsaka, namonjy ity many ireto 3 hafa ary dia niara-maty tao izy 4.

